

¡BOMBA!

Van por colaboradores
que en Campeche eran del PRI;
por las reacciones que ví,
¿qué sabrán los “contadores”?



K'untzil

Lunes 17 ti' agosto ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2790 · www.lajornadamaya.mx



Loobilajo'ob ku yúuchul yóok'ol kaabe' ts'o'ok u beetik u pe'erchajal 100 mil mdd te'el ja'aba'

Taak'in ts'o'ok u xu'upul ichil tuláakal yóok'ol kaab yóok'olal catástrofes ku yantale' tu much'aj kex 100 mil millonesil dólares ichil u yáax wákp'él winalo'ob ti' u ja'abil 2026, le je'elo' kaabal ti' le ts'ook promedios ts'o'ok u yantal te'el ts'ook k'iino'obo', ba'ale' le je'elo' ma' tsaaj u k'áat u ya'al wa táan xan u p'iitchajal sajbe'entsil yaan, tu ya'alaj Swiss Re Institute.

“Jach ok'om óol bix táan u k'a'ajsal to'on lu'ume' je'el u péek chéen je'el ba'axak k'iine', je'el bix ts'ook úuchik Colombia

yéetel Venezuela, tumen beey je'el u yúuchul tu ya'ab u k'áaxil América Latina, ts'o'oke' le je'elo' jump'él ba'al je'el u k'askúuntik u kuxtal máak, kaaj yéetel tak bix u péek economías te'el kaajo'ob tu jach séeba'anil”, beey tu ya'alaj Santiago Arechaga, máax jo'olbesik reaseguros ti'al América Latina yéetel Caribe ich u mola'ayil Swiss Re.

Lela' beey chíikbesa'ab yéetel le ba'ax j-úuch Venezuelao'. Yóok'olal le je'elo' ya'abach ba'alo'ob pe'erchaj ti' náajal taak'in, kex 20 mil millonesil dólares, ba'ale' tumen ma'

ya'abach seguros ook tu paach, chéen junjaats ti' le ba'ax úuch ku ch'a'anukta'ali'. Ti'al mola'ayo'ob yéetel economíase', noj talam u yutskiinsik ba'ax seen k'aschaji, ba'ale' beyxan u ka' ch'a'ak u yóol yéetel u xiímbal tu beel beyo'.

Swiss Re tu ya'alaj ba'axo'ob je'el bix u yantal máax tu'ux sajbe'entsil yéetel u maas ko'ojtal u yutskiinsa'al ba'ale', ku beetik u maas talamtal bix u ch'a'anukta'al le ba'axo'ob bíin úuchuk tu paachil k'iin.

Ti' jump'él xaak'al beeta'ab tumen Swiss Re Institute,

k'aaba'inta'ab: First-half 2026 insured natural catastrophes losses below trend, rising risks, a'alabe' u tojol u ka' líik'sa'al ba'ale' ts'o'ok xan u ko'ojtal, le beetike' maas je'el u talamtal bix u k'a'abéetkunsal taak'in ti' je'el ba'axak bíin úuchuke'.

U kanik nojlu'umo'ob u jatso'ob u taak'inil meyaj -inversión- yéetel u p'iitkunsal sajbe'entsil ku yantal keen kóojok desastree' maas yaan u k'a'ananchajal ti'al u kaláanta'al activos, operaciones yéetel u páajtalil u ka' ch'a'ak bej economías.